

## Universitätsbibliothek Paderborn

**R.P. Francisci Arias, Societatis Iesv Theologi, De Oratione  
Mentali Et Mysteriorvm Vitae D.N. Iesv Christi &  
benedictae Matris eius meditatione**

**Arias, Francisco**

**Coloniae Agrippinae, 1616**

Cap. I. De ijs quæ remotius animam ad orationem mentalem disponunt,  
qualia sunt vitiorum, negotiorum & nimiorum affectuum fuga.

[urn:nbn:de:hbz:466:1-48934](#)



PARS PRIMA.

IN QVA, QVIBVS  
AD VITAE D. N. IESV  
CHRISTI, ET GLO-  
RIOSÆ MATRIS eius mysterio-  
rum meditationem disponi  
quis posuit, latius per-  
tractatur.

CAPVT I.

*De ijs quæ remotius animam ad ora-  
tionem mentalem disponunt ac præ-  
parunt, qualia sunt vitiorum, ne-  
gotiorum, & nimiorum affectuum  
fuga.*

 VEMADMODVM in  
rebus naturalibus arti-  
ficioque humano pera-  
gendis necessarium est,  
aliquæ ut dispositiones  
præcedant, quibus ad formam tum  
naturalem, tum artificiale recipi-  
endam materia ipsa disponatur: vi-  
demus siquidem, ut arbor viridis,  
A ignescat

2 FRANC. ARIAS CAP. I.  
ignescat & vratur, opus esse, vt om-  
nis prius humor euaporet, & ab i-  
psō igne s̄epius penetretur. chalybs  
quoque vt laboretur, & ensis for-  
mam recipiat, necesse est, ante in fo-  
nace emolliatur ac ductilis fiat. Ita  
quoque, vt anima bene orationem  
peragat, & in eadem ad pietatem  
concitetur, diuinique amoris igne  
succendatur, aliquæ dispositiones  
& præparationes spirituales præ-  
currant oportet, vt per Sapientem

*Ecclesiast. 18.* monet Spiritus sanctus, *Ante oratio-*  
*nem præpara animam tuam.* & hæc  
licet præparatio in omni orationis  
genere necessaria sit, in primis ta-  
men ad mentalem, de qua hic agi-  
mus, requiritur. nam vt illa subli-  
missimum & utilestimum orationis  
genus est, ita & pluribus opus habet  
adiumentis.

Inter illa porro quibus se anima  
ad diuinū hoc exercitium præparat,  
sunt aliquæ, quas dispositiones re-  
motiores vocant, quibus eminus &  
velut longa manu sese disponit; aliæ  
viciniores, quibus proprius ac vici-  
nius

I.  
vt om.  
& ab i.  
nalybs  
is for.  
in fo.  
t. Ita  
onem  
tatem  
s igne  
tiones  
præ-  
entem  
ratio-  
z hæc  
ionis  
histo-  
c agi-  
publi-  
ionis  
habet  
  
nima  
arat,  
es re-  
us &  
salię  
vici-  
nius

DE ORAT. MENTALI. 3  
niūs se præparat, vel dum ad orāndum se componit, vel orare iam incepit. Hic autem de prioribus agemus. Quarum prima est vita bona, & pura conscientia, vt scilicet homo, et si vitæ integræ puræque ha-  
ctenus haud fuerit, sed insigni ne-  
quitia multis se grauibusque deli-  
ctis inquinatur, iam tamen per pœ-  
nitentiam mundatus, si: mūm num-  
quam eadem committendi propo-  
situm cōceperit. Hæc ad orationem  
præparatio omnino necessaria est,  
nam et si peccator quamvis com-  
missorum pœnitentiam non egerit,  
non ideo ab orando desistere debe-  
at, sed Deum obsecrare, voluntatem  
& auxilium efficax ad peccatis egre-  
diendum, de quæ ijsdem pœnitentiā  
agendam, vt concedat; sed Deum o-  
ret, & in orando assiduus sit opor-  
teat, ne malum scilicet ingrauescat,  
v:que Deus ad ipsum facilis con-  
uerteretur; constat tamen, malam in-  
quinatamque conscientiam maxi-  
mum esse ad bene orandum, ac præ-  
sertim orationem mentalem impe-

A 2

dimen-

4 FRANC. ARIAS CAP. I.  
dimentum. Quis enim actuale pec-  
candi propositum habens , facile  
quidem eleemosynam largiri, iei-  
nare, flagellis in se sanguire, psalterium  
& horas canonicas legendo percur-  
rere poterit: at intra se ipsum intra-  
re, & diuina diutius meditari, qua-  
lia sunt, à Deo se dijudicandum, post  
mortem sequi iudicium, & eternam  
in peccato letali decedentes dam-  
nationem manere; quique in crimi-  
ne mortali agunt , iuratos Dei ho-  
stes, omnipotenti exosos, satanæ  
mancipia, & ad perpetuum, pro  
præsenti quidem iustitia, cœli exili-  
um, æternumque Tartari carcerem  
condemnatos esse; hæc & similia,  
quaæ orationis mentalis materia  
sunt, non facilè meditabitur is, qui  
in peccato mortali agere voluerit.  
nam hæc illi cogitatio grauis est, ac  
proinde sancto huic exercitio non  
vacabit: sed vel peccati statum, vel  
orationem mentalem deseret. Cùm  
igitur aperte constet, vtrum horum  
homini sit utilius & compendio-  
sius, iuratus is sui ipsius boni non sit  
hostis,

DE ORAT. MENTALI. 5

hostis, sed ex animo peccatum deserat, ( quod est morte simul & damnationem æternam deserere ) & mundus purusq[ue] ad orationem accedat, inque eadem perseueret; atque hoc est ad vitam gratiæ peruenire, Dei possessionem adire, & viæ ad infinita gloriæ eiusdem bona ducentem ingredi. Hanc ad orationem præparationem postulat Psalmista, *psalm. 36.* dicens, *Subditus es tu Domino, præcepta eius seruando, & ora eum.*

Alia ad benè orandum sui præparatio est, superfluas curas, occupationes, & prauos erga creaturas affectus præscindere. Eos vero qui Deo seruire statuunt, & planè ipsum peccatum fugiunt, hoc decipere diabolus artificio, & nimirum apparentibus quibusdam titulis persuadere solet, ut rerum nec ad vitæ sustentationem necessariarum, nec animæ utilium, sed quæ aut arrideant, aut ad honorem, aut diuitias temporales comparandas aliquo modo conducant curam suscipiant, de quæ ijsdem sollicitè laborent: ut

A 3

s. ilicet

6 FRANC. ARIAS CAP. I.

scilicet nimia hac occupatione ac  
sollicitudine impediti in anima cu-  
rāda, & exercitijs spiritualibus flac-  
cescant. Quæ vbi euigorata & flac-  
cida fuerit, facilè in evidētia aper-  
taque flagitia propellitur. Pharao,  
*Exod. 5. 1* Israelitas, Deo obsecuturos, Aegy-  
pto, vbi captiuitate premebantur, e-  
gredi, in deserto, Deo suo in molare  
victimas, & terriā promissionis pe-  
tere velle vider's, hanc se illorum  
Deo sacrificandi voluntatem ait  
impediti rem. hinc eos per Aegy-  
ptum sparsit, ut paleas & stipulas  
colligerent, pensumque nihilominus  
diurnum in lateribus parandis  
implerent. dixitque: Vacant, & id-  
circo vociferantur, dicentes, Eamus &  
sacrificemus Deo nostro. Opprimantur  
operibus & expleant ea, vt non ac-  
quiescant verbis mendacibus, hancq;  
voluntatem exuant. Hoc inimici  
nostrī, Aegypto mundi huius impe-  
ritatis, studium & stratagema, dum  
homini occupationes & rerum tē-  
poralium, quæ non nisi stipula, cu-  
ras, adauget, ut ipsius in orationem,  
in re-

I.  
ne ac  
a cu  
flac  
flac  
per  
rao,  
egy  
ur,e  
lare  
pe  
rim  
ait  
gy  
las  
mi  
ndis  
id  
s &  
ntur  
ac  
cq;  
ici  
pe  
um  
tē  
ru  
n,  
e

DE ORAT. MENTALI. 7

in recollectionem, in quotidianam Sacri auditionem, & Communio-  
nem hebdomadariam, aliaque spiri-  
tus exercitia, quibus animam Deo  
offert, propensionem studium-  
que auferat & euertat; vel saltem,  
malè dispositus ijsdem & exiguo  
cam fructu vacet. Quapropter ani-  
me oculos aperiamus, & hanc ten-  
tationem, quodque hinc promanat  
damnum, notemus, & aduersus  
eamdem nos omnes carni placen-  
tes, spiritui verò noxias conuersa-  
tiones & opera repudiando cōmu-  
niamus. Occupationes cum diurnas  
tum nocturnas examinemus, & quas  
non præcisè necessarias, imò nos di-  
strahere, & turbare animum obser-  
uabimus, re ipsa deseramus: Affectus  
erga creaturas, qui cor ad se trahunt  
nosque turbant & inquietant, vio-  
lenter à nobis rescindamus. Nam  
quemadmodum vitiis virtus, palmi-  
tibus superfluis reselectis, collecta  
quodammodo in vnum, fortior redi-  
ditur, amplioremque fert fructum; ita  
cordis, quod finitum & limitatum,

A. 4

atten-

S FRANC. ARIAS CAP. I.  
attentio & vigor, vbi superflua mi-  
nimeque necessaria ab ipso ablata  
fuerint, liberius, integriusque ad O-  
rationem resque spirituales se com-  
ponet. Atque hoc multis nos in lo-  
cis apud Ecclesiasticum monet Spi-  
ritus sanctus: *Fili ne in multis sint a-*  
*ctus tui.* id est, superfluas noli curas  
sestari, quæ & vires excedant,  
minimeque necessariæ sint. Alio  
autem loco ait, *Qui minoratur*  
*actu sapientiam percipiet.* hoc est,  
quicumque inutiles, & minus ne-  
cessarias occupationes præciderit,  
quod melius spiritualibus, quibus a-  
nimæ puritas acquiritur, vacet, qua-  
lia sunt Lectio, Oratio, Silentium  
& Recollectio, hic lucem & diui-  
nam recipiet sapientiam, qua &  
perfectius Deum cogno-  
scat, amet & sa-  
piat.

C A -